



**Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

Dub. I. An & quaratione Deus sit insinitus secu[n]du[m] essentia[m], & in  
quo hæc infinitas consistat.

---

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

in 3. sentent. distinct. 6 quæst. 2. artie. 3. ad 1. & indicat S. Augustinis lib. 6. de Trinitat. cap. 8. vbi ait: *Cum creatura adhærescit creatori, illa sit maior, quam erat, non ille.* Ratio est. Quia melius bonum, & maius bonum, intentionem perfectionis, & bonitatis, non solam pluralitatem significant; cum tamen diuina bonitas qualibet accessione, aut coniunctione creatæ bonitatis, intendi nullo modo possit, nec ex utraque simul bonitate, intensius bonum constitui; tum quia sunt diversissimæ plane rationis, ac generis; tum quia bonitas creatæ habet se ad diuinam ut punctum ad lineam,

quaæ accessione puncti non sit maior, vt recte S. Thomas cit. dist 6. Tum quia Deus vñ eminetissimè habet rationem, & perfectionem omnis boni creati, cui proinde nihil addi potest perfectionis, quod non in seipso antea habeat. Plura igitur quidem illa sunt bona; sed non maius bonum; alias admittendum esset CHRISTVM DEVM & hominem esse quid melius, & perfectius Patre, & Spiritu sancto; quod ne dicam impium, certè temerarium, ac periculosum esset assertere, inquit Molina loc. cit.

## QVÆSTIO IV.

### De infinitate ac immensitate Dei.

S. Thomas I. p. q. 7. & 8, aa. 8.

**A**bsolutetur hoc quæstio quatuor dubitationibus. I. An, & qua ratione Deus sit infinitus secundum essentiam; & in quo hæc infinitas Dei consistat. II. Vtrum possibile sit infinitum actu, sive secundum multitudinem & numerum; sive secundum magnitudinem & extensionem. III. An, & qua ratione Deus sit immensus; & ubiqꝫ praesens. IV. Vtrum Deus sit etiam in spatiis aliquibus extra cœlum.

### DVBIVM I.

*An, & qua ratione Deus sit infinitus, secundum essentiam; & in quo hæc infinitas DEI consistat.*

S. Thomas I. p. q. 7. a. 1. & 2.

**N**on est hic quæstio de infinitate molis, seu quantitatis corporeæ, qualis in Deo nulla est; nec de infinitate incomprehensibilitatis, aut æternitatis, vel immensitatis, aut etiam potentiae, aut cuiuslibet attributi diuini, quantum singula in suo genere, & sua quadam ratione infinita sint; sed de infinitate perfectionis Dei in essendo; quæ dicitur infinitas per essentiam, sive secundum essentiam: de qua queritur & quæratione Deo conueniat, & in quo proprie ac formaliter consistat.

Assertio. I. Deus est infinitus actu in essendo, sive secundum essentiam. Ita S. Thomas q. 7. art. 1. ac ceteri Doctores in 1. dist. 43. & est de fide ac extra controuersiam; et si S. Bonaventura in 1. dist. 43. art. 1. quæst. 2. solum dicat, id esse magis consonum fidei. Patet ex Psalmo 144. vers. 3. *Magnus Dominus, & laudabilis nimis, & magnitudinis eius non est finis.* Baruch 3. vers. 25. *Magnus est, & non haber finem, excelsus & immensus.* Idem passim docent SS. Patres. S. Damascenus lib. 1. orthod. fid. cap. 4. attributa & perfectiones diuinæ commemorans ait, *Deum esse, infinitum &*

*eternum, & incircumscribilem.* Et lib. 1. cap. 12. ait, *Deum esse quoddam pelagus substantia infinita.* Sed & omnes antiqui Philosophi dixerunt, primum principium esse infinitum; licet quidam ut in ratione speciali primi principij errarunt, ita etiam errarunt circa infinitatem, quam tribuerunt primo principio, dicentes aliquid corpus infinitum, esse primum principium, vt notauit S. Thomas ibidem. Idem colligitur ex cap. Firmiter, de sum. Trinitat & fid. Cathol. vbi tamen expresse non ponitur attributum infinitatis, sed immensitatis; quæ se mutuo consequuntur.

Rationes adducuntur apud Aristotelem lib. 3. physic. c. 4 t. 30. ex mente etiam Anaximandri, & naturalium Philosophorum: item apud S. Thomam I. cont. gent. c. 43. Scotum in 1. dist. 2. q. 1. Nyphum in lib. de infinit. primi motoris, aliosque Metaphysicos lib. 12. Metaph. quos etiam ex parte examinat Molina hic q. 7. vbi addit, plerosque credere, infinitatem diuinæ essentia nondum rationibus naturalibus esse demonstraram, sed tantum fide, ut rem certam teneri. Verum multo verius est, rem hanc quoque evidenter demonstrari esse, non quidem singulis quæ afferentur rationibus nam & eam, quam affert S. Thomas hoc loco, plerique esse evidente ac firmam, negant sed indefinite hæc vel illa.

Mihi quidem optimæ videtur illæ, quæ petuntur ex ipso conceptu diuina essentia. Prima. Deus est ens per se ac per suam essentiam: Ergo ens illimitatum, adeoque infinitum. Consequentia probatur. Quia quicquid limitatur, a sua causa efficiente limitatur, a qua esse determinatum ac limitatum accipit; vt non solùm inductione patet, sed etiam ipso lumine naturali. Limitare enim

enim causalitatem dicit causa efficientis; nec via ratione fieri potest, vt aliquid seipsum quoad essentiam limitet. Secunda. Deus est primum ens, & prima causa effectiva in actu primo, ac independens, rerum omnium, tam existentium, quam possibilium: Ergo in sua essentia, eminenter continet perfectiones rerum omnium, tam existentium quam possibilium; adeoque totum esse rerum omnium: Ergo in omni genere Entis est infinitus: adeoque simpliciter infinitus. Tertia. Deus est actus purus, expers omnis potentialitatis: atqui si Deus esset finitus, iam hoc ipso non esset actus purus, sed ens aliquo modo potentiale, utpote capax vltioris perfectionis; quia ad finitum semper fieri potest accessio, plura apud citatos.

Vnde colligitur, non audiendos illos, qui apud S. Bonaventuram in 1. dist. 43. art. 1. quest. 2. dixerunt, vel Deum non esse infinitum secundum essentiam & potentiam; vel D E V M esse, quidem nobis infinitum, sed secundum veritatem, ac sibi ipsi non esse: qui tamen, vt apparet, potius in modo loquendi, quam re ipsa errarunt; respicientes duntaxat vel ad modum infinitatis, ex parte comprehensionis, vel ad actualem rei multitudinem, sive extensionem.

Assertio II. Infinitas hæc Dei propriæ formaliter non consistit, primo in eo, quod D E V S caret principio & fine durationis; quodque nullo loco sibi adequato concludi potest; vt significat Albertus in 1. disp. 43. art. 1. hæc enim infinitas est æternitatis & immensitatis, non essentie.

Nec secundo, quod propriæ non definiatur, nec collocetur sub genere; quamvis inde eam explicet S. Thomas lib. 1. contra gent. cap. 43. & quidam alij: alioqui omnia prima genera essent infinita essentialiter, & maxime ipsum Ens vt Ens.

Nec tertio, quod Esse ipsius Dei in nullo recipiatur: quamvis inde eam infinitatem comprobent S. Thomas hic quest. 7. att. 1. & lib. 1. contra gent. cap. 34. Ferrarensis ibidem, Caietanus, alioque recentiores Thomistæ hic, vt & Richardus atque Aegidius in 1. dist. 43. non solum quia nec Esse primæ substantia vt sic, in aliquo vere recipitur: imo nec Esse sive existentia aliarum rerum, cum ab essentia ex veteri philosophia non nisi ratione differat, vt suppono: Sed etiam quia, esto certo modo explicata illa negatio receptionis præbeat argumentum infinitatis, quod voluisse solum videtur S. Thomas loc. cit. eodemque sensu defenditur à Caietano, & Ferrarensi loco cit. non tamen est ipsa ratio, sive conceptus infinitatis secundum essentiam, vt non solum post Scotum loc. cit. docent Molina hic, quest. 7. Suarez lib. 2. de Deo c. 1. Vasquez disp. 25. cap. 2. & alij, qui negant, eam S. Thomæ probationem esse demonstrationem; sed etiam Thomistæ citati eodem a. 5.

Nec quarto, quod in Deo sint infinita attributa & perfectiones simpliciter, vt quidam recentiores dixerunt: non solum quia in D E O nulla est pluralitas talium perfectionum; cum sit

vna ipse simplicissima perfectio ex quest. precedenti dub. 1. sed etiam quia certum non est, posse in infinitum plures semper ac plures in Deo perfectiones simpliciter simplices concipi, ac ratione distinguui, vt rectè Suarez lib. 2. cap. 1. num. 3. Vasquez disp. 25. c. 1.

Nec quinto etiam propterea Deus formaliter infinitus est, quia est à se, & à nullo accepit Esse, vt existimauit Vasquez ibidem cap. 5. cuius sententiam meritò refellit Suarez loc. cit. quia licet inde efficaciter probetur infinitas D E I, vt dictum; ea tamen non est ratio formalis infinitatis, aut attributi vlli, sed essentia diuinæ, ex quest. 1. dub. 1.

Assertio III. Deus ergo est formaliter infinitus secundum essentiam, quia adeo essentialiter excellens est, vt careat in sua essentia vlo termino & limite perfectionis; qualis in ceteris rebus est certus quidam gradus entis, excludens alios formaliter & eminenter; eo modo, quo aliqui possibles sunt in perfectissimo ente. Ita Gregorius de Valencia quest. 7. punc. 1. Suarez lib. 26. cap. 1. num. 5. Probatur tum ex dictis; quia alia ratio huius infinitatis assignari non potest: Tum quia infinitum ex ipsa nominis ratione, significat negationem termini; ac proinde infinitas secundum essentiam aliud esse non potest, quam negatio seu carentia termini in perfectione essentiali; nec terminus altius in presenti fungi potest, quam eiusmodi gradus quidam entis, limitans, vt dictum, perfectionem. Essentia diuinæ.

Assertio IV. Attributū hoc formaliter est negatiū; et si fundamentaliter supponat continentiam formalem, aut eminentiam, omnis perfectionis possibilis, seu cogitabilis, omniumque sine vlo termino, quæ quoque modo perfecta cogitari possunt, etiam in infinitum in his procedatur, in gradu maioris semper ac maioris perfectionis sine termino. Prima pars est communis Doctorum, ac extra controversiam; & patet ex dictis, quia infinitum formaliter dicit negationem termini. Alteram partem recte tradit Suarez l. c. Probatur, quia infinitas hæc non est pura negatio; sed quasi in subiecto; alioqui pariter de non ente dici posset; deinde quia significat negationem termini in perfectione essentiali, necessario supponit continentiam illam omnis perfectionis possibilis; adeoque talis ac tantæ, vt nulla maior, imo nec æqualis perfectio in vlo Ente extra Deum sit cogitabilis.

Assertio V. Infinitas hæc secundum essentiam ita Dei propria est, vt conrradictionem implicant, eam vlli creatæ naturæ communicari. Ita S. Thomas hic quest. 7. artic. 2. ex communi omnium. Probatur; quia implicat contradictionem, vt ea perfectio, in qua fundatur, hæc infinitas Dei, vlli naturæ, seu Enti extra D E V M communicetur, vt dictum quest. precedentib. 2. Quo fit etiam, vt Deus aliud nullum, seu perfectione superiore, seu parem habere possit, vt magis patebit quest. 5. Cum quo tamen non pugnat, quo minus res aliquæ creatæ habeant quandam infinitatem in effendo,

quasi respectuam, sive secundum quid, sive in recipiendo, sive in actuando, vel agendo, ut declarat S. Thomas cit. art. 2. vbi ait: *Lignum v. g. est finitum secundum suam formam; sed tamen est infinitum secundum quid, in quantum est in potentia ad figuram infinitas, &c.* Item: *Si sunt, inquit, aliqua forma creata, non recepta in materia, sed per se subsistentes, ut quidam de Angelis opinantur, erunt quidem infinitæ secundum quid in quantum huiusmodi forma non terminantur, nec contrahantur per aliquam materiam, &c. sed non infinitæ simpliciter.* Ita quælibet natura superior respectu inferiorum, dici potest infinita, seu infinite præstantior; quia licet inferiores perficiantur, aut multiplicentur in infinitum, nunquam tamen possunt ad præstantiam superioris naturæ pertingere. Sed de hac infinitate non est quæstio.

## DVBIVM II.

*Vtrum possibile sit infinitum actu, sive secundum multitudinem, & numerum, sive secundum multitudinem, extensionem, aut etiam intensionem.*

S. Thomas I. p. q. 7. a. 3. & 4.

**N**one est quidem hæc quæstio Theologica, sed philosophica, & ex principijs philosophicis dijudicanda: sed quia tamen S. Thomas eam hoc loco ex instituto pertractat, ac simul ab eius resolutione multa passim etiam in Theologia dependent, opera pretium iudicauit, eam breuiter discutere. Sicuti autem in precedentibus dubitatione non erat quæstio de infinito in certo genere, sed de infinito simpliciter in essendo, sive secundum communissimam rationem entis; ita hoc loco non est quæstio, nisi de infinito in certo genere, quod tamen non sit solum infinitum quasi respectu, sive secundum quid in eo genere, prout in fine præcedentis dubij dictum, sed quod absolute sit infinitum.

Suppono autem infinitum absolute, in unoquoque genere esse, quod in eodem genere termino caret; ac proinde secundum multitudinem infinitum est, quod nullo numero seu multitudine finitur ac terminatur. Notio nem autem infiniti in quantitate continua, seu magnitudine, non existimo formaliter esse desumendam ex multitudine partium, tum quia ea formaliter est ratio multitudinis; non magnitudinis; tum quia, cum controversum sit, an & qua ratione magnitudo partes habeat, melius in notione nominis ab ea controversia abstrahitur. Rectius ergo & planius infinitum in magnitudine dicitur, absolute quidem & secundum omnem dimensionem, quod nullo termino magnitudinis secundum ullam dimensionem clauditur. Quo modo

etiam Aristoteles lib. 3. phys. cap. 1. tex. 43. ait, quod infinitum est absque ullo termino extensum esse, & corpus infinitum omni ex parte in immensum esse extensum.

Infinitum, hoc in utroque genere quantitatis, aliud est infinitum actu, aliud infinitum potentia. Infinitum actu, de quo solo presens mouetur quæstio, est, cum eiusmodi multitudine, aut magnitudo actu simul tota est; ita ut tam multitudinis partes illæ innumeræ actu sint omnes, non tantum materialiter ac per modum unius, sed etiam formaliter ut multæ, ac inter se distinctæ; quam magnitudo illa nullo incremento ac noua adiectione egat, quæ interminabilis illa extensio compleatur, aut actu constituatur. Sicut etiam contrario sensu Vasquez hic disput. 26. cap. 1. dicit; infinitum in potentia, dici illud, ex quo, si id tantum accipitur, quod actu exsistit, infinitum quidem est, & terminum habet; si vero respiciantur causa, quæ adhuc ei possunt adiungi, infinitum est, iuxta Aristotelem 3. physic. cap. 6. text. 57. Vbi simul etiam consulto abstineo à ratione infiniti successui; quod cum suas partes omnes actu non habeat, non potest propriè dici infinitum actu; liceat ob aliam fortassis causam impossibile sit, ut unquam præterierit, ut suo loco Deo volente videbimus. Solum ergo de infinito actu entis permanentis hoc loco quæstio est; eaque procedit, non tantum de potentia DE ordinaria, sed etiam absoluta.

In hac autem quæstione generatim duæ sunt. Authorum sententiae. Prima est, qui admittit eiusmodi infinitum actu tam in magnitudine, quam in multitudine esse possibile. Ita Ariminensis in 1. dist. 43. quæst. 4. Bassolis quæst. vnica art. 2. Petrus de Alliaco disput. 42. quæst. 13. art. 3. Mayron in 1. dist. 43. Bacon in 2. d. 1. quæst. 6. Maior & Almain in 3. dist. 13. quæst. vnic. Argentina in 2. dist. 1. quæst. 2. art. 4. & probabilem censet Gabriel in 2. dist. 1. quæst. 3. Ockam verò saltem in multitudine rerum spiritualium; sicut & Aviceanna & Algazet, quos refert S. Thomas hic art. 4. in quovis genere, multitudinis per se non ordinatae, infinitum actu esse possibile admittunt. Cum prioribus Authoribus sentit Vasquez hic d. 26. cap. 2. & 3.

Secunda sententia negat, eiusmodi infinitum actu sive in magnitudine, sive in multitudine, esse possibile. Ita S. Thomas hic quæst. 7. art. 3. & 4. & quodlib. 9. art. 1. & quodlib. 12. art. 2. Bonaventura in 1. dist. 43. artic. 1. quæst. 3. Richardus quæst. 1. & 6. Durandus quæst. 2. Scotus in 2. dist. 1. quæst. 3. Marsilius in 1. quæst. 42. art. 3. Capreolus & Hispanensis in 1. dist. 43. quæst. 1. Bartius in 1. dist. 8. quæst. 2. Aureolus in 1. dist. 44. quæst. 1. art. 1. 2. & 3. Ferrariensis 1. cont. gent. cap. 81. Caietanus, & Thomistæ omnes hic q. 7. a. 3. & 4. Albertinus tom. 2. de prædic. quant. d. 4. q. 4. 5. & 6. Gregorius de Valentia q. 7. punc. 3. Equibus Aureolus, Gregorius de Valentia, & Thomistæ communiter, idem etiam aperte sentiunt de infinito secundum intensionem; tametsi aliter sentiat Albertinus.

Eiusdem